

210 十五日。過播蜜川。卽至葱嶺鎮。此卽屬漢。兵馬見今鎮」押。此卽舊日王裴星國

境。爲王背叛。走投土蕃。然今國界無有百姓。外」國人呼云渴飯檀國。漢名葱嶺。

又從葱嶺步入一月。至疎勒。外國自」呼名伽師祇離國。此亦漢軍馬守捉。<sup>33</sup>有寺有

僧。行小乘法。喫肉及葱韭等。土人著疊布衣也。又從疎勒東行一月。至龜茲

國。卽是安西」大都護府。漢國兵馬大都集處。此龜茲國。足寺足僧。行小乘法。

215 食肉及」葱韭等也。漢僧行大乘法。又安西南去于闐國二千里。亦足漢軍馬領

押。足寺足僧。行大乘法。不食肉也。從此已東。並是大唐境界。諸人共知。不言可

悉。開元十五年十一月上旬。至安西。于時節度大使趙君。」

且於安西。有兩所漢僧住持。行大乘法。不食肉也。大雲寺主秀行。善能」講說。先

220 是京中七寶臺寺僧。大雲寺都維那。名義超善解律藏。舊」是京中莊嚴寺僧也。

大雲寺上座。名明暉。大有行業。亦是京中僧。」此等僧。大好住持。甚有道心。樂

崇功德。龍興寺主。名法海。雖是漢兒」生安西。學識人風。不殊華夏。于闐有

一漢寺。名龍興寺。有一漢僧。名□□。」是彼主寺。大好住持。彼僧是河北冀州人

士。疎勒亦有漢大雲寺。有一漢」僧住持。卽是嶧州人士。又從安西東行□□至